



Universitätsbibliothek Paderborn

**Confessionale,|| In Qvo || Vniversa || Materia De ||
Confessione Pec-||catorvm Apvd Catholicos || vsitata per
Quæstiones explicatur**

Eisengrein, Martin

Ingolstadii, 1577

VD16 E 795

IX. Quando, propter Sacerdotis absoluenteris defectu[m], Confessio informis,
& iteranda sit.

urn:nbn:de:hbz:466:1-30362

Caput IIII. De Confessionis

tionis illi proficuum esse incipiet ad scelerū condonationem; nec superiora peccata tene-
tur iterum subiicere Clauibus Ecclesiæ; sed
sufficiet fictionem confiteri, nimirūm, quod
vel imperfectum existimet fuisse dolorem,
aut diligentiam in examinanda conscientia
non satis accuratam.

Quæstio VIII. *Estne informis Confessio sic valida, ut
non sit necessariò iteranda?*

Respoſio. **N**EC omnis informis Cōfessio est valida,
nec rursus inualida, & inutilis. Iudicium
verò, vtrum valida sit, nēcne, non satis ex eo,
quod informis fit; sed ex cauſis potius, ob
quas informis est, sumitur. Quæ quidē par-
tim ex Sacerdotis absoluētis, partim ex cō-
fitentis defectu petendæ sunt.

Quæstio IX. *Quando, propter Sacerdotis absoluētis
defectum, Confessio informis
& iteranda est?*

Respoſio. **A**ntequam soluatur hæc quæſtio, ſcire
oportet, quānam in Sacerdote absoluē-
te necessaria ſint, ut valida ſit eius Absolutio.
Requiritur enim in absoluēte potestas Or-
dinis Sacerdotalis: Si enim Sacerdos non ſit,
remittere peccata non poterit. Solis enim
Sacerdotibus collata eſt huiusmodi Potestas
remittendi peccata, iisque ſolis, quo tempo-
re ad

re ad Sacerdotium promouentur, dicitur: Ioan. 20.
Quorum remiseritis peccata &c.

SECVNDO, requiritur in eisdem Po-
testas iurisdictionis super absoluendum. Id
quod patet ex Concilio Florentino, declará-
te; Sacerdotem non posse quenquam à pec-
catis absoluere, nisi iurisdictione habeat, vel
ordinaria vel commissam super absoluendū.

TERTIO, requiritur in Absolutione
Scientia, quā scilicet sciat, qua forma vti de-
beat, vt verè absoluat; aliōqui, si id nesciat,
quo pacto verè valeat absoluere, nō appareat.

QVARTO, requiritur in eodem Inten-
tio, sicut requiritur in ministro cuiuscunq;
Sacramenti, qua deficiente, nullum est Sa-
cramentum.

Igitur inter hæc omnia, si vnum aliquod
desideretur in Confessario: Absolutio erit
inualida. Hoc est, si Cōfessarius careat Pote-
state ordinis & iurisdictionis; si Formā igno-
ret Absolutionis, aut eam corrumpat; si In-
tentionem non habeat absoluendi: Confes-
sio semper inualida est, & idcirco iteranda.

Super est aliud impedimentum ex parte
Sacerdotis, de quo in sequenti Quæstione.

*Estne Absolutio à Confessario excom-
municato, nominatim denuntiato,* *Quæstio*
X.

planè nulla, & ideo talis Con-
fessio iteranda?

Con-